

IZVJEŠTAJ O ZAPRIMLJENIM I RIJEŠENIM ZAHTEJVIMA ZA PRISTUP INFORMACIJAMA U 2025. GODINI

Ovaj Izvještaj je dio izvršenja zakonske obaveze propisane članom 17. Zakona o slobodi pristupa informacijama na nivou institucija Bosne i Hercegovine (Službeni glasnik BiH", broj 61/23; u daljem tekstu: Zakon).

Visoko sudsko i tužilačko vijeće Bosne i Hercegovine (VSTV BiH/Vijeće) je u 2025. godini, zaprimilo **100 zahtjeva za pristup informacijama te 9 žalbi** izjavljenih Žalbenom vijeću pri Vijeću ministara Bosne i Hercegovine (u daljem tekstu: Žalbeno vijeće) koje su obrađene u skladu sa odredbama navedenog Zakona. Tražene informacije odnosile su se na podatke iz disciplinskih postupaka protiv nosilaca pravosudnih funkcija; statističke podatke iz Sistema za automatsko upravljanje predmetima u sudovima i tužilaštvima (CMS i TCMS) i druga pitanja u vezi sa CMS i TCMS-om te informaciono-komunikacijskim sistemom institucije; informacije u vezi sa imenovanjima nosilaca pravosudnih funkcija, uključujući konkursne procedure, razrješenja dužnosti, kriterije za imenovanja, broj imenovanih sudija i tužilaca i sl.; informacije iz istraga i tužbi te statusa predmeta Ureda disciplinskog tužioca VSTV-a BiH; izvještaje o zastarama krivičnog postupka i poduzetim aktivnostima u vezi sa navedenim; informacije o kriterijima za ocjenjivanje, prosječnoj ocjeni nosilaca pravosudnih funkcija, biografijama, nacionalnoj, spolnoj strukturi, primanjima za vrijeme suspenzije i izvještajima o imovini i interesima nosilaca pravosudnih funkcija i članova VSTV-a BiH; pitanja u vezi sa Zakonom o VSTV-u BiH te drugim podzakonskim aktima VSTV-a BiH; pitanja iz oblasti kadrovske politike i finansijskog poslovanja VSTV-a BiH; podatke u vezi sa sjednicama VSTV-a BiH; te podatke iz nadležnosti tužilaštva, sudova i drugih institucija.

Od navedenog ukupnog broja zaprimljenih zahtjeva za pristup informacijama, 75 zahtjeva su uputila fizička lica, u 20 slučajeva podnositelji zahtjeva bila su pravna lica, te je registrirano 5 zahtjeva koji su uputili novinari različitih medijskih kuća.

Pristup informacijama odobren je u 45 predmeta, odnosno u 40 predmeta VSTV BiH je postupio u skladu sa članom 25. stav (1), u vezi sa članom 26. stav (4) Zakona, dok je u tri predmeta odobren pristup informacijama uz obavezu uplate naknade materijalnih troškova shodno Odluci o visini naknade materijalnih troškova u skladu sa Zakonom o slobodi pristupa informacijama na nivou institucija Bosne i Hercegovine („Službeni glasnik BiH“, br. 63/24). Dodatno, u jednom predmetu je upućena obavijest da je informacija javno dostupna, te je u još jednom predmetu, pored dostavljanja informacija u skladu sa navedenim odredbama zakona, podnositelj zahtjeva informisan da je dio traženih informacija javno dostupan na web stranici VSTV-a BiH.

Djelomično je odobren pristup informacijama u 16 predmeta, na način da je podnosiocu zahtjeva dostavljen dio informacija koje su u posjedu institucije, dok se za preostali dio traženih informacija postupilo na način da je: predmet upućen na nadležno postupanje drugoj instituciji (dva predmeta), upućena obavijest da se podnesak ne smatra zahtjevom jer zahtjeva analitiku i kreiranje informacije (dva predmeta); odbijen pristup dijelu informacija zbog zaštite tajnosti (četiri predmeta), odbijen pristup dijelu informacija zbog zaštite ličnih podataka, u skladu sa odredbama Zakona o zaštiti ličnih podataka (pet predmeta), dio zahtjeva odbačen zbog nenadležnosti (jedan predmet), odbijen pristup dijelu informacija zbog neposjedovanja (jedan predmet) te odbijen pristup dijelu informacijama u skladu sa Zakonom, dok je u preostalom dijelu pristup informacijama odbačen djelomično zbog neposjedovanja traženih informacija te djelomično kao neuredan zahtjev (jedan predmet).

U navedenom periodu zaprimljena su **2 zahtjeva** koja su **van nadležnosti VSTV-a BiH**, te su, shodno zakonskoj proceduri, prosljeđena nadležnim tijelima na dalje postupanje.

Pristup informacijama **odbijen** je u **9** predmeta, te je u **10** predmeta upućen **poziv za ispravku**, u skladu sa odredbama člana 23. stav (3) Zakona, odnosno člana 25. stav (2) Zakona.

Zaključkom je **odbačeno 7** zahtjeva, od čega **5 kao neuredni** jer nisu sadržavali obavezne elemente nakon upućivanja poziva za ispravku, dok su **2 zahtjeva zaključkom odbačena zbog nenadležnosti**.

Dodatno, u **11** predmeta upućena je **obavijest da se podnesak ne smatra zahtjevom**, u skladu sa članom 23. stav (6) i članom 26. stav (2) Zakona, budući da zahtijevaju analitiku i kreiranje nove informacije.

U navedenom periodu, upućeno je **9 žalbi Žalbenom vijeću**, od čega je šest riješeno na način da je Žalbeno vijeće donijelo rješenja kojim su žalbe odbijene kao neosnovane, te je jedna žalba još uvijek u proceduri, odnosno nije doneseno rješenje Žalbenog vijeća. U odnosu na jednu žalbu koja se odnosila na Rješenje VSTV-a BiH kojim je djelimično odobren pristup informacijama u vezi sa konkursnom procedurom za izbor rukovodećeg državnog službenika u VSTV-u BiH, Žalbeno vijeće je donijelo Rješenje kojim je žalba usvojena u dijelu dostavljanja informacije o imenima kandidata u konkursnoj proceduri, poništen dio Rješenja VSTV-a BiH i naloženo VSTV-u BiH da postupi po rješenju Žalbenog vijeća. S tim u vezi, VSTV BiH je pokrenuo upravni spor koji je u proceduri. Žalbeno vijeće je u još jednom slučaju donijelo Rješenje kojim je usvojena žalba na Obavijest VSTV-a BiH kojom je odbijen pristup statističkim podacima o predmetima klevete i sudskim odlukama u parničnim postupcima, poništena navedena Obavijest te naloženo Vijeću da postupi po zahtjevu podnosioca. Vijeće je pokrenulo upravni spor i u ovom slučaju, koji je u proceduri.

Sastavni dio ovog Izvještaja čini detaljni statistički pregled zahtjeva za pristup informacijama, koje je VSTV BiH zaprimio u skladu sa Zakonom, sačinjen u formi Excel tabele i dostupan je na web stranici VSTV-a BiH u kategoriji Odnosi sa javnošću/Pristup informacijama/Izvještaji o zaprimljenim zahtjevima za pristup informacijama, odnosno putem linka: <https://vstv.pravosudje.ba/vstvfo/B/141/kategorije-vijesti/1219/1224/121516>.

Tabela: Statistički prikaz primjene Zakona o slobodi pristupa informacijama na nivou institucija BiH za period 1.1.2025. – 31.12.2025. godine

Postupanje po zahtjevima za pristup informacijama		Ukupno
Odobren pristup informacijama	45	
Djelomično odobren pristup informacijama	16	
Odbijen pristup informacijama	9	
Van nadležnosti VSTV-a BiH	2	
Upućen poziv na ispravku	10	
Zahtjev zaključkom odbačen kao neuredan	5	
Zahtjev zaključkom odbačen zbog nenadležnosti	2	
Upućena obavijest da se podnesak ne smatra zahtjevom jer zahtjeva analitiku i kreiranje informacije	11	
		100
Žalbe po dostavljenim rješenjima		
Odbijene kao neosnovane	7	

Usvojene u cijelosti ili djelomično. Pokrenut upravni spor.	2	
		9